




Sondagskool 2

Lestitel: Die bord lensies - Isak se seën

'n Ouerhandleiding

Sondagskooltuisonderrig



Liewe Ouer

Welkom by die les: “**Die bord lensies - Isak se seën**”

Hierdie dokument gee u 'n basiese handleiding oor hoe die les aangebied kan word.

Hoe om vir die les voor te berei en dit aan te bied

Hier volg 'n paar wenke vir voorbereiding en aanbieding:

Stap	Aksie
1.	Verkry toegang tot die webtuiste van die Nuwe Apostoliese Kerk deur die volgende in te sleutel of deur op die volgende WhatsApp-skakel te druk: https://bit.ly/3NACSSHS
2.	Versamel die volgende hulpmiddels om te verseker dat u vir die les gereed is: • Bybel • Die les in PDF-formaat wat reeds voorberei is • Kind se werkboek, potlode, kryte, ens. • Die kort video, wat 'n addisionele / opsionele hulpmiddel is • Kategismus in Vrae en Antwoorde (veral vir Konfirmasie) Nota: 2.1: Die ideale tyd om die les aan te bied is na die Sondagoggendgodsdien, om sodoende in lyn met die normale Sondagskooltyd roetine te behou. 2.2: Hou die les so bondig (kort) moontlik. Hou die aandagspan (om te fokus op die les) van ons kinders in gedagte. U ken u kind die beste! Normaalweg duur Sondagskool nie langer as 45 minute nie. 2.3: Die les is vir 'n spesifieke klas (Sondagskool (SS), Godsdiensonderig (RI) of Konfirmasie (Conf)). 2.4: Kontak gerus u Sondagskoolonderwyser indien u ondersteuning vereis of van bogenoemde hulpbronne benodig.
3.	Bid (sien die gebed aan die einde van hierdie dokument) en vra God om u as instrument te gebruik om die les aan te bied soos Hy dit wil hê.



Bied 'n Sondagskoolles tuis aan

Hoe om vir die les voor te berei en dit aan te bied

Ons gaan voort om 'n paar wenke te gee rakende voorbereiding en aanbieding:

Stap	Aksie
4	Skep 'n aangename en steurnisvrye leeromgewing waar u en die kind / kinders op dieselfde vlak kan wees. Voorbeeld: Sit op 'n mat of om 'n tafel.
5	Lees die les deur. Lees weer deur die les sodat u dit verstaan. Kyk na die kort video van die les om 'n beter begrip van die les te kry.
6	Maak vir jouself aantekeninge oor belangrike punte wat jy graag wil onthou.
7	Verstaan die doelwit van die les, wat deur u kind onthou moet word.
8	Bied die les vir u kind aan.
9	Wys vir jou kind die video en bespreek die betekenis daarvan.
10	Verwys u kind na die aktiwiteit in die kind se werkboek
11	Bid of vra u kind om te bid om sodoende die les af te sluit.

Beskikbare hulpmiddels vir tuisonderrig

Hiermee 'n paar hulpmiddels om die gehalte van die les te verbeter:

1. Gesels via WhatsApp met 'n ander Sondagskoolfamilie.
2. Bespreek die les met ander ouers om duidelikheid te kry voordat dit aangebied word.
3. Dit staan u vry om self navorsing te doen vir addisionele(ekstra) inligting.



Die Les

Lestitel	Die bord lensies - Isak se seën
Bybelwoord	Genesis 25: 21-34 en Genesis 27: 1-40
Lesdoelwit	Die kinders leer die waarde van God se seën.

Lesopsomming:

- Isak en sy vrou Rebekka was verheug toe God hulle geseën het met die geboorte van hul tweelingseuns, Esau en Jakob.
- Die seuns was baie anders in voorkoms en persoonlikheid en namate hulle ouer geword het, het hulle belangstellings nog meer verskil. Esau, die oudste seun, was harig en sterk, en hy was lief vir die natuur en jag. Jakob was egter baie lief daarvoor om tuis te bly en na die diere en tente om te sien.
- Isak was baie trots op Esau en hy was bestem om eendag die hoof van die gesin te wees en Jakob was Rebekka se gunstelingseun.
- Eendag het Esau uitermate honger en moeg van sy jagtog teruggekeer, waar hy verwelkom is deur die heerlike reuk van lensiesop wat Jakob vir aandete voorberei het. Hy vra toe vir Jakob of hy 'n bord sop kan eet, waar Jakob antwoord: "Verkoop aan my jou eersgeboortereg vandag." Esau het hierdie versoek nie ernstig opgeneem nie en ingestem.
- Baie jare later het Isak blind geword en kon hy nie meer vir sy gesin sorg nie. Hy het na Esau gevra, want dit was tyd dat hy sy eersgeborene-seën en familie-erfenis moes ontvang - Rebekka het dit gehoor.
- Terwyl Esau op jag was, het sy vir Jakob gesê om Isak se gunsteling maaltyd voor te berei en dit na hom te neem sodat Isak hom kon seën. Rebekka het Jakob van Esau se klere laat aantrek en sy hande, arms en nek met bokvel toegedraai om hom as Esau te verbloem.
- Jakob neem toe die bak kos na Isak, waar Isak hom dan onbewustelik seën in plaas van Esau.
- Later, toe Esau terugkom, besef Isak sy fout en beide Isak en Esau was baie geskok dat hulle op hierdie manier mislei is.
- Esau het toe sy vader gevra om hom ook te seën, waarop Isak geantwoord het: "Ek het Jakob, u broer, geseën."
- Esau was baie ontsteld met Jakob omdat hy hom weer mislei het.



Wat beteken hierdie les vandag vir ons?

- Ons is kinders van God, en Hy sal ons seën as ons Hom vra. God het geen gunsteling nie.
 - 'n Seën is 'n daad van God se liefdevolle sorg wat niemand kan verdien nie.
 - Hierdie seëninge word toeganklik gemaak vir alle gelowiges deur gebed en ons draers van seën, ongeag omstandighede. Ons moet op God vertrou sodat ons seëninge kan .
- Onthou altyd, God se seëninge is waardevol en beskikbaar vir al sy kinders as ons vra en geloof het.**

Sommige vrae wat ons kan vra:

- 1. Wat dink u van Esau se optrede toe hy sy eersgeboortereg prysgegee het?**
Antwoord: Hy sien net die oombliklike voordeel, om te eet, en dink nie aan die verlies van sy erfenis nie.
- 2. Watter kos het Esau gekry in ruil vir sy eersgeboortereg?**
Antwoord: 'n bord lensiesop
- 3. Wat het Esau en Jakob van Isak, hulle vader, ontvang?**
Antwoord: Jakob het die eersgeborene se seën ontvang en Esau het niks ontvang nie
- 4. Watter seën het u van God ontvang?**
Antwoord: Laat die kind antwoord

'n Gebed vir Pappa en Mamma om voor die les te bid:

Liewe God, baie dankie vir hierdie dag
Seën alle ouers en kinders, Mag ons u teenwoordigheid aanvoel
Seën die les wat ons gaan hê, Leer ons hoe om U te dien
En help ons om u wil te doen
Sodat ons nader aan U kan groei
Stuur Jesus om ons te kom haal
En mag ons gereed wees om Hom te ontmoet. Amen

'n Gebed na die les:

Liewe Vader in die hemel, ek dank U dat U ons vandag beskerm het en dat daar geen ongeluk gebeur het terwyl ons gespeel het nie.

Laat ons almal lekker slaap en gee môre weer 'n pragtige dag.

Help my asseblief op skool en dat ek goed met my vriende oor die weg sal kom en nie met hulle sal baklei nie.

Wees altyd met mamma en pappa.

Seën ons stamapostel, apostels en al ons diensknegte en beskerm hulle op hul reise.

Help al u kinders, veral die siekes. Kom gou en neem ons almal huis toe. In Jesusnaam. Amen.